

نهاوند



معي وحدي !!

أي المنافي يسكن بصدرك ؟
وأي أرض استراحت فيك ؟
علمني بأي إنسان تسكن بحتك ،
ملاحظ صورتك ،
مغناك ؟
وفي أي المدن مرت خطاك
وبعثرت ميناك ؟
ياالله ..
كم هذا القلق
يعبر عليك ويركك في كل مرة من قفاك !!

كم كنت وحدك من وري الشباك
كم كنت خايف لايشوفك طير ذكرى
لاتمرك ريح ظلما وتذبك ذكراك
لايفتح عيونك ملح
لاينبت على اهدابك سدر منفاك !!
يا إنت البعيد اللي جلست هناك :
رتب ضحكك ..
غن ،
ابتهج ،
خلك مثل ما إنت أعرفك تجمع الدنيا بقصيدة
شعر
وتكسر كل اوزان الحياة ف بسمه لشفاك !!

أتذكر انك كنت في ليلة حزين
تكسر صحن الدموع
وتلتفت كم ظل بعينك مساحة
للزجاج الباقي بصدرك كثير وماتكسر ..
ما يكفي غصتك ،
بارد برغم الحزن ولاقدر يبكي معاك ..
أتذكرك ضحكت لحظتها وقلت :
اليوم يكفيني هلاك !!

يا إنت الوحيد الجالس يصيغ الرؤى والحلم
لاتحسب كثير العمر
عمرك : مابقي لك ، مابقي يركض وراك !

أرجوك لاتسكت يخوفني سكوتك لاتصد هناك
لاتطرق أبواب السكوت ورعشة شفاك تغص
بالف باب
لاتلتفت لهنالك ولاتمسح على راس الغياب
يطيح نخلك ويتكسر داخلك معنك !
أرجوك أبي الليلة تكون بداخلي أكثر
واكون بداخلك اقرب
وأبي افرح معاي
اقصد معاك !!

غسق

احطبي هذا المسالمتنامي
بين انامل غربتي وعيوني
واشعلي هذا الهشيم الظامي
في زوايا وحشتي وسكوني
من تهجيت العمر وايامي
ماتسافر لظلام بدوني
والطريد المتعب من احلامي
مغترب عن سيرتي وجنوني
المنافي رملها العظامي
والخوافي ريحها الغصوني
والمنياطي شها مترامي
بين صحوة دمعتي وطعوني
آه .. يا هذا الظلام الدامي
كيف اردك عن رفيف جفوني
وكيف ابخرج من سوادك سامي
وانسج المافي هجير ظنوني
وآه... يا كثرك وقل ايامي
وآه ياقربك لضي عيوني

عبدالله الحارثي

